



Community Engagement

Early Literacy non ewe Community me non Imw

Non ewe 2023, Oregon Governor Tina Kotek me ewe Oregon Legislature aa pwopwutani ewe Early Literacy Success Initiative an epwe tongeni anisi ekkewe semirit non Oregon repwe kaeo anea, mak, fos, me eusening. Ewe Oregon Department of Education (ODE) iwe aa anisi famini me community groups nupwen ra anisi ekkewe semirit me develop ini ekkei skills. PDE aa mwochen fori ekkoch materials me tools faniten ekkewe community groups nupwen ra anisi ekkewe famini me semirit.

ODE aa pwan angang fengen me Oregon's Kitchen Table (OKT) ar repwe kuna met ekkewe aramas ir mi need aninis won ren an ekkewe semirit repwe tongeni anea, mak, fos, me eusening. Met ODE aa rong iwe ina epwe tongeni onununu ar kewe materials me tools ren ekkewe community groups.

OKT aa pwan nounou ekkewe survey me chufengen an epwe rongo seni aramas seni non unusen Oregon. Ei summary nge epwe apourousa met OKT aa rong.

POROUSEN OREGON'S KITCHEN TABLE

OKT nge ew kinikinin Portland State University. OKT ee anganga an epwe ngeni aramas neuwer ar repwe tongeni porous non ekkewe pwungun finata an aramas. Am kan porous ngeni ekkewe aramas ururun repwe pwan fiti ekkei pwungun finata nge rese pwan pacherenong. Am kan anisi aramas me fosun osukosuken state, local, me regional. Kich mi pwan aea sokopaten anen me ekkewe sokopaten fosun fenu ach sipwe sinei met aramas ra ekikei me nonomw won. Iwe kich mi pwan eucheani ekkewe chomwongun ekiek me met ekkewe ra nonomw won ren met aramas ra kan ereni kem.

IFA USUN AM RONGO SENI ARAMAS

Amwa aea ekkei tetenin tools ren ampwe tongeni sinei met ekkewe aramas ra ekieki me mefi ren ar repwe anisi ekkewe semirit develop ar repwe anea, mak, me eusening.

- Taropwen survey
- Ekkewe online surveys non tiu fosun fenu
- OKT porous ngeni ekkewe famini me ekkewe community groups.
- Ewe guide ren aramas ar repwe afisi pwisin ew ar discussion

Iwe ikkei met sia aea ren ekkei tetenin tools ren ach sipwe ereni aramas ekkei surveys me events:

- Social media
- Group messaging platforms
- Email me text messages
- Phone calls
- Non foun aramas outreach

MET AM EISINI EKKEWE ARAMAS

Akomw, am ereni aramas porousen ifa usun an ODE epwe anisi ewe community group an epwe tongeni anisi ekkewe famini me semirit develop ekkewe early literacy skills. Mwirin, amwa eisini ekkewe aramas ekkei tetenin:

- Met ekkewe activities re kan for me ar kewe famini me / ika ekkewe semirit ir mi develop ar repwe anea, mak, fos, ika eusening

- Met activities re mwochen repwe kuna non ar kewe community
- Met ekkewe re mwochen kaeo pwe repwe tongeni anisi ekkewe semirit ar repwe anea, mak, fos me eusening.
- Met ekkewe ee epeti an repwe anisi ekkewe famini me semirit develop ekkei skills
- Ika pwe ir seni ewe community group, ifa usun ar partner ngeni ekkewe sukun
- Met ra aneanei ren nour kewe semirit non ar kewe famini me communities ren ewe early literacy

Ewe survey aa pwan eisini ekkewe aramas ren ierin ekkewe semirit re mwochen anisi me ion kewe non ar famini, ian re kan nonomw ian, fite ierir, met ar race, ethnicity ika Tribe, me met ewe fosun fenu re mwochen fosun.

ION AMWA RONGO SENI

Amwa rongo seni ukukun 800 aramas. Ina epwef en esopw ekkewe aramas ra mwochen repwe angei porous non ew sokkun fosun fenu me nukun English. Chomwong aramas ra nomw non ewe group ir mi nonomw won ar rese access ngeni educational opportunities.

Ikkei ekkei tetenin metoch ra share non ekkei kinikinin metoch:

- 391 aramas ra penuweni ekkewe surveys
- Aramas ra no fiti ekkewe 12 chufengen aa fis ren ekkewe community organizers
- Aramas seni ekkewe community groups ra fiti 10 ekkew discussions won Zoom
- Aramas seni ekkewe 17 organizations ra ereni kem met aramas ra era ren ewe early literacy non ar kewe communities.

MET AMWA RONG

Amwa sinei chomwong metoch ren met aramas ra kan fori iwe amwa mwochen kuna ren an ampwe tongeni anisi ekkewe semirit develop ar repwe tongeni anea, mak, fos, me eusening. Chomwong community groups ra fen fori chomwongun metoch non pwisin ar kewe communities. Chomwong famini ra pwan fori chomwongun metoch ar repwe tongeni anisi nour kewe semirit. Me ruu ekkei community groups me famini ra mwochen support.

Met aramas ra tipew ngeni

- Anea, mak, fos, me eusening iwe ikena ekkewe skills mi fokkun euehea ngeni nonomwun ewe famini iteiten ran. Mi pwan weires. Nge wewen nge mi chomwong anen an sipwe tongeni anisi ekkewe semirit me kaeo ngeni.
- Mi euehea ach sipwe honor me celebrate met ekkewe famini me communities ra fen fori.
- Mi pwan euehea nge ekkewe neni me aramas re kan anisi ekkewe famini me semirit ir mi pwan anomwu an repwe pwapwaiti me sani. Mi pwan euehea an epwe or ewe warm welcome seni nepwopwutan.
- Aramas ra mwochen epwe or ika repwe pwan awora tutoring. Nge aramas ra ekieki nge epwe weires an epwe fis.
- Community groups ra mwochen repwe partner ngeni ekkewe sukun. Ra mwochen repwe angang fengen an repwe anisi ekkewe famini me semirit.

Met aramas rese tipew ngeni

- Ekkoch aramas ra pwan ekieki nge technology mi tongeni anisi ekkewe semirit me develop ar repwe anea, mak, fos, me eusening. Pwan ekkoch ra ekieki nge ee fen kon eoch ar repwe nonou ekkewe hands-on materials.
- Chomwong aramas ra mwochen make sure nge ekkewe community groups ir mi sinei me tongeni aea ewe research me evidence ar repwe tongeni weweiti met mi tongeni epwe anisi nour kewe semirit. Pwan aramas ra pwan nonineniti ewe research me evidence nge esapw nomw non plain language. Ekkoch aramas ra mwochen ekkewe semirit repwe pwan pwapwa me kukunou.

MET EPWE FIS MWIRIN

Mefien ekkewe aramas iwe ina met aa ngeni ODE ekkewe ekiek ren met repwe tongeni apachanong ren ekkewe pisek me tools faniten ekkewe community groups. ODE aa pwan rong ekkewe minafon ekiek ren ifa usun ar repwe pwan angei input non ekkan raan mwach. Aramas ra fokkun pwapwaiti ar repwe part of ewe aninis ngeni ekkewe semirit non Oregon ar repwe tongeni develop ekkewe early literacy skills non sokopaten aan.

ODE mi tongeni ekkei tetenin metoch:

- Update ekkewe materials me tools
- Fos ngeni ekkewe aramas mi or nour semirit ir mi ruu ar fosun fenu ika fen napeseni.
- Anisi aramas me apwapwaii me kaeo seni emon me emon.
- Anisi ekkewe community groups me connect ngeni ekkewe sukun. Ren ar repwe tongeni angang fengen.

KOSOPWONON

Chomwong aramas ra wochen repwe anisi ekkewe semirit non Oregon ar repwe tongeni anea, mak, fos, me eusening. Ra aneani pwe amwo ach kei community groups repwe tongeni angang fengen me ekkewe famini me sukun.